



花草粹編十卷目錄

長調

慶清朝 三

倦尋芳 四

玉簫涼

燕春臺

夏初臨

逍遙樂

迷神引 二

長亭怨慢

黃鸝遶碧樹

帝臺春

瑤臺第一層 二

碧芙蓉

晝夜樂 三

春草碧

飛龍宴

夏日燕黌堂

十月桃

十月梅

菱荷香

並蒂芙蓉 二

水晶簾

福壽千春

雨中花慢 七

孤鶩 二

雙雙燕
黃河清慢
八節長歡四

奪錦標
應天長慢二十
雲僊引

繡停針
瓊瓏四犯三
金菊對芙蓉三

月華清三
王蝴蝶八
燕山亭二

三姝媚三
鎖寒窓四
五福降中天慢

紫玉簫
三部樂三
芳草

丁香結
聒龍謠二
閨怨無悶二

月下笛
垂楊
鴈過粧樓

大有
陌上花
蠓梅香二

秋宵吟卷目餘
東風第一枝三
錦堂春

換巢鸞鳳
春夏兩相期
高陽臺三

石州引
慶長春
琵琶仙

舜韶新
四代好
雙頭蓮二

御帶花
萬年歡四
解語花二

杏花天
惜寒梅
慶春澤

壽樓春
遶佛閣
傳枝花

引駕行
渡江雲三
絳都春六

夜合花
壺中天即念奴嬌
念奴嬌一名醉

江東去赤壁詞
令百字謎六十八
無俗念二

湘月
鳳簫吟
長壽仙

丹鳳吟

燕歸慢

瑤臺聚八仙

花草粹編十卷目錄終

花草粹編卷之十

朗陵外方陳耀文晦伯甫篋

長調

慶清朝 踏青

王通叟

調雨為酥催冰做水東風分付春還何人便將輕暖
點破殘寒結伴踏青去好平頭鞋子小雙鸞烟柳外
望中秀色如有無間晴則箇陰則箇餽得天氣
有許多般須教撩花撥柳爭要先看道吳綾繡襪
香泥斜沁幾行班東風巧盡收翠綠吹在眉山

上樓大參

李居厚

天啓重光地鍾上瑞有人起自東山當年謝傳幾曾
鶴髮貂冠不似文章雋老重來鳴步斗樞間洪鈞轉
五原草綠太白兵閑 運慶今朝初度正日添紋線
月掛冰盤恩重御壺宣勸喜溢天顏聽取沙隄好語
金科紅篆押千官春長在調元鼎裏不假還丹

李易安

禁幄低張彤欄巧護就中獨占殘春容華淡竚綽約
俱見天真待得群花過後一番風露曉粧新妖婉艷
態妬風笑月長帶東君 東城邊南陌上正日烘池
館竟走香輪綺筵散日誰人可繼芳塵更好明光宮

殿幾枝先近日邊勻金樽倒拚了盡燭不管黃昏

倦尋芳

春景

王元澤

露晞向曉簾幙風輕小院閑晝翠逕鶯來驚下亂紅
鋪繡倚危樓登高榭海棠看雨胭脂透笑韶華又因
循過了清明時候 倦遊燕風光滿目好景良辰誰
共携手恨被榆錢買斷兩眉長闔憶得高陽人散後
落花流水仍依舊這情懷對東風盡成消瘦

春閨

潘元質

一作蘇養直

獸鐶半掩鴛甃無塵庭院瀟洒樹色沉沉春盡燕嬌
鶯姸夢草池塘青漸滿海棠軒檻紅相亞聽簫聲記

秦樓夜約彩鸞齊跨
漸迤邐更催銀箭何處貪歡
猶繫嬌馬旋剪燈花兩點翠眉
誰畫香滅羞回空悵
裏月高猶在重簾下恨踈狂
待歸來碎揉花打

春思

盧申之

香泥壘燕密葉巢鶯春暗寒
淺花徑風柔着地舞裊
紅軟闌草煙欺羅袂薄秋千
影落春遊倦醉歸來記
寶帳歌慵錦屏香爇
別來悵光陰容易還又荼蘼
牡丹開徧妬恨踈狂那更柳
花迎面鴻羽難憑芳信
短長安猶近歸期遠倚危樓
但鎮日綉簾高捲

餞周糾定夫

吳君特

暮帆挂雨水岸飛梅春思零亂
送客將歸偏是故宮
離苑醉酒曾同涼月舞尋芳
還隔紅塵面去難留悵
芙蓉路窄綠楊天遠
便繫馬鶯邊清曉煙草晴花
沙潤香軟爛錦年華誰念故人
遊倦寒食相思隄上
路行雲應在孤山畔寄新吟
莫空回五湖春鴈

王簾涼

史邦卿

秋是愁鄉自錦瑟斷絃有淚如
江平生花裡語柰舊
夢難忘藍橋雲樹正綠料抱月
幾夜眠香河漢阻但
鳳音傳恨欄影敲涼
新妝蓮嬌試曉梅瘦破春因
甚却扇臨窓紅巾銜翠翼早弱
水茫茫柔情各自未

剪問此去莫負王昌芳信準更敢尋紅杏西廂

燕春臺

張子野

麗日千門紫烟雙闕瓊林又報春回殿閣風微當時
去燕還來五侯池館屏開探芳菲走馬大街重簾人
語鞦韆車憶遠近輕雷 雕觴霞灩醉幙雲飛楚腰
舞柳宮面粧梅金猊夜煖羅衣暗裏香煤洞府人歸
笙歌燈火樓臺下蓬萊猶有花上月清影徘徊

夏初臨 夏初

劉巨濟

泛水新荷舞風輕燕園林夏日初長庭樹陰濃雛鶯
學弄新簧小橋飛入橫塘跨青蘋綠藻幽香朱欄斜

倚霜紈未搵衣袂先涼 歌歡稀遇怨別多同路遙
水遠煙淡梅黃輕衫短帽相携洞府流觴况有紅粧
醉歸來寶蠟成行拂牙床紗厨半開月在迴廊

逍遙樂

黃魯直

春意漸歸芳草故國佳人千里信沉音杳雨潤烟光
晚景澄明極目危闌斜照夢當年少對尊前上客鄒
枚小鬟燕趙共舞雪歌塵醉裏談笑 花色枝枝爭
好鬢絲年年漸老如今遇風景空瘦損向誰道東君
幸賜天幕翠遶紅遶休休醉鄉岐路華胥蓬島

迷神引 迷

柳耆卿

一葉扁舟輕帆捲暫泊楚江南岸孤城暮角引胡笳
怨水茫茫平沙鴈旋驚散煙斂寒林簇画屏展天際
遙山小黛眉淺 舊賞輕拋到此成遊宦覺客程勞
年光晚異鄉風物忍蕭索當愁眼帝城賒秦樓阻旅
魂亂芳草連空闕殘照滿佳人無消息斷雲遠

朱雍

白玉樓高雲光繞望極新蟾同照前村暮雪霽梅林
道澗風平波聲渺喜登眺踈影寒枝裊太春早臨水
凝清淺靚粧巧 瘦體傷離向此縈懷抱覺璧華輕
冰痕小倦聽塞管轉嗚咽令人老素光回長亭靜無

塵到煙鎖橫塘暖香徑悄飛英難拘束任春曉

長亭怨慢

姜堯章

漸吹盡枝頭香絮是處人家綠深門戶遠浦縈回暮
帆零亂向何許閱人多矣誰得侶長亭樹樹若有情
時不會得青青如此日暮 望高城不見只見亂山
無數帝即去也怎忘得玉環分付第一是早早歸來
怕紅萼無人為主算只有并力難剪離愁千縷

黃鸝遶碧樹

周美成

雙闕籠嘉氣寒威日晚歲華將暮小院閑庭對寒梅
照雪淡烟凝素忍當迅景動無限傷春情緒猶賴是

上苑風光漸好，芳容將與。草莢蘭芽漸吐，且尋芳
更休思慮。這浮世甚驅馳，利祿奔競塵土。縱有魏珠
照乘，未買得流年任爭如盛飲流霞，醉偎瓊樹。

帝臺春

春恨

李景元

芳草碧色萋萋，遍南陌飛絮亂紅也。似知人春愁無
力，憶得盈盈拾翠侶。共攜賞鳳城寒食，到今來海角
逢春天涯行客。愁旋釋，還似織淚暗拭，又偷滴。謾
倚遍危闌，儘黃昏也。只是暮雲凝碧，拚則而今已拚
了。忘則怎生便忘得。又還問鱗鴻，試重尋消息。

瑤臺第一層

上元扈蹕
墨莊漫錄

宋宗室仲御

解管聲催人報道，嫦娥步月來。鳳燈鸞炬寒輕，簾箔
光泛樓臺。萬年正春未老，更傍那日月蓬萊。從仙仗
看星河，銀界錦繡天街。歡陪千官萬騎，九霄人在
五雲堆。緒袍光裏，星球宛轉，花影徘徊。未央宮漏永
散異香，龍闕崔嵬。翠輿回奏仙韶，歌吹寶殿尊罍。

賢良朱雍

西母池邊宴罷，贈南真步玉霄。緒風和扇，冰華發秀，
雪質孤高。漢波澄練，影問是誰獨立江皋。便凝望認
壺中圭璧，天上瓊瑤。清標曾陪勝賞，坐忘愁斛醉
使塵銷。况雙成與乳丹，點深都付香梢。壽糝酥冷，郢

韻珮舉麝捲雲綃樂遙道鳳皇臺畔憶取吹簫

碧芙蓉

亦名尾犯

柳耆卿

晴煙幕幕漸東郊芳草染成輕碧野塘風暖遊魚動
觸水澌微坼幾行斷鴈旋次第歸霜殞詠新詩手撚
江旆故人贈我春色似此光陰催過念浮生不滿
百雖照人軒冕潤屋金珠於身何益一種芳心力圖
利祿始非長策除是恁點檢笙歌尋羅綺銷得

晝夜樂

柳耆卿

洞房記得初相遇便六合長相聚何期小會幽懽變
作別離情緒况值闌珊春色暮對滿目亂花狂絮直
恐好風光盡隨伊歸去一場寂寞憑誰訴笑前言
揔輕負早知恁地難拚悔不當初留住其柰風流端
正外更別有繫人心處一日不思量也攢眉千度

二

秀香家住桃花徑算神仙才堪並層波細剪明眸賦
玉圓搓素頸愛把歌喉當筵逞過天邊亂雲愁凝言
語似嬌鶯一聲聲堪聽洞房飲散簾幙靜擁香衾
懽心稱金爐麝裊青烟鳳帳燭搖紅影無限狂心乘
酒興這歡娛漸入嘉境猶自怨隣鷄道秋宵不永

山谷

夜深記得臨岐語說花時歸來去教人每日思量到
處與誰分付其柰冤家無定據約雲朝又還雨暮將
淚入鴛衾揔不成行步 元來也解知思慮一封書
深相許情知玉帳堪歡為向金門進取直待腰金拖
紫後有夫人縣君相與爭柰會分疎沒嫌伊門路

春草碧

俗呼中管高

萬俟雅言

又隨芳緒生看翠連霽空愁遍征路東風裏誰望斷
西塞恨迷南浦天涯地角意不盡消沉萬古曾是送
別長亭下細綠暗煙雨 何處亂紅鋪繡茵有醉眠
蕩子拾翠遊女王孫遠柳外共殘照斷雲無語池塘

夢生謝公後還能繼否獸上画樓春山填鴈飛去

飛龍宴

蘇小娘

是郡王姬

炎炎暑氣時流光閃爍閒扃深院水閣涼亭半開簾
幙遙觀灼灼榴花吐艷細雨洒小荷香淺對陰竹影
清涼滿酒枕簟搖紈扇 堪嘆浮世忙如箭對良辰
歡樂莫辭頻勸遇酒逢歌恣情遂意迷戀須信人生
聚柰區區利牽名絆少年未倦良天皓月金樽滿

夏日燕翼堂

雅詞拾遺

日初長正園林換葉瓜李飄香簾外雨過送一霎微
涼萍蕪逕曲凝珠顆襯汀沙細簇蜂房被晚風輕颭

圓荷翻水潑覺鴛鴦 此景最難忘稱芳樽泛蟻筠
簾鋪湘蘭舟棹穩倚何處垂楊豈能文字成狂飲更
紅裙間也何妨任醉歸明月蝦鬚簾節幾線餘霜

十月桃

樂府雅詞

東籬菊盡徧園林敗葉滿地寒莎露井平明破香籠
粉初開佳人共喜芳意呵手剪密插萬斂無言有艷
不避繁霜變作春媒 問武陵溪上誰裁分付與南
國舞榭歌臺恰似凝酥襯玉點綴裝裁東君自是為
主先煖信律管飛灰從今雪裏一番花休話江梅

十月梅

梅花

千林凋盡一陽未報已綻南枝獨對霜天冒寒先占
花期清香映月浮動臨淺水踈影斜欹孤標不似綠
李夭桃取次成蹊 縱壽陽粧臉偏宜應未笑天然
雅態冰肌寄語高樓凭欄羗管休吹東君自是為主
調鼎鼎終付他時從今點綴百草千花須待春歸

菱荷香

萬俟雅言

小瀟湘正天影倒碧波面容光水仙朝罷間列綠蓋
紅幢吹風細雨蕩十頃浥浥清香人在水精中央霜
綃霧縠襟袂收涼 欸放輕舟開紅裏有蜻蜓點水
交頸鴛鴦翠陰密處曾覓相並青房晚霞散綺泛遠

淨一葉鳴柳擬去儘促瑀觴歌雲未斷月上飛梁

朱希真

遠尋花正風亭霽雨煙浦移沙緩提金勒路擁桃葉
香車憑高悵飲照羽觴晚日橫斜六朝浪語繁華山
圍故國綺散餘霞無柰尊前萬里客歎人今何在
身老天涯壯心零落怕聽疊鼓柁檣江浮醉眼望浩
渺空想靈槎曲終淚濕琵琶誰扶上馬不省還家

並蒂芙蓉

晁端履

龍政齋漫錄

大液波澄向鑑中照影芙蓉同蒂千柄綠荷深竝丹
臉爭媚天心眷臨聖日殿宇分明啟嘉瑞弄香嗅蕊

願君王壽與南山齊比池邊屢回翠輦擁群仙醉
賞憑欄凝思萼綠攬飛瓊共波上遊戲西風又看露
下更結雙雙新蓮子闔裝兢羨問鴛鴦向誰留意

水晶簾

土定齋

東軒

誰道秋期遠更旬淡雙星相見雨足西簾正玉井並
開壽筵初展塵尾呼風祛暑淨那更着綸巾羽扇端
清歌不記杯行任深任淺湖邊小池苑漸苔痕竹
色青青如染辨橋中荷屋晚芳自占蝸角虛名身外
事付骰子紛紛戲選喜時平公道開明話頭正轉

福壽千春

慶黃排岸

梅坡

柳暗三眠真翻七莢稟昂蕭生時叶信道鳳毛池上
種却勝河東鸞鷲篤志典噴經旨素得歐陽學妙文
章赴飛黃姓名即登鴈塔要成發軔勲業便先教
濟川整頓舟楫兆朕于今須從此超遷榮膺異渥它
日趨裝事待還鄉惟洽頌椒觴祝遐筭壽同龜鶴

雨中花慢

張安國

一葉凌波十里御風烟鬢雨鬢蕭蕭認得江臯玉珮
水館冰綃秋淨明霞乍吐曙涼宿靄初消恨微顰不
語欲進還休疑竚超遙神交冉冉愁思盈盈斷翫
欲遣誰招還似待青鸞傳信烏鵲成橋悵望胎仙琴

疊羞看翡翠蘭苕夢回人遠紅雲一片天際笙簫

牡丹菊

東坡

今歲花時深院盡日東風蕩颺茶煙但有綠苔芳草
柳絮榆錢聞道城西長廊古寺甲第名園有幽艷帶
酒天香染袂為我留連清明過了殘紅無處對此
淚洒樽前秋向晚一枝何事向我依然高會聊追短
景清商不假餘妍不如留取十分春態付與明年

吳子種

春濃恩重長離永別憑誰為返香魂憶湘裙霞袖杏
臉櫻唇眉掃春山淡淡眼裁秋水盈盈便如何忘得

溫柔情態恬靜天真
凭闌念及夕陽西下暮煙四起
江村漸入夜踈星映柳新月籠雲醞造一生清瘦
能消幾箇黃昏斷腸時候簾垂深院人掩重門

春日旅况

劉伯寵

縹緲細扶王葉翡翠百梢爭趁春忙正雨後蜂粘落絮燕撲晴香遺策誰家蕩子唾花何處新粧想流紅有恨拾翠無心往事凄凉
春愁如海客思翻空帶圍只看東陽更那堪玉笙度曲翠羽傳觴紅淚不勝
閨怨白雲應老他鄉夢回羈枕風驚庭樹月在西廂

張才翁

萬縷青青初眠官柳向人猶未成陰擬征鞍無語擁鼻微吟遠宦情懷誰問空勞壯志銷凝好花時節山城留滯又負歸心
別離萬里飄蓬無定誰念會合難憑相聚裏莫辭金盞酒淺還深欲把春愁抖擻春愁轉更難禁亂山高處凭欄垂袖聊寄登臨

才翁風韻不羈初任臨邛秋官張公庠待之不厚會有白鶴之游郡守率屬官同往才翁不預乃語官妓楊皎曰老子到彼必有詩詞可速寄來公庠既到白鶴便留題曰初眠官柳未成陰馬上聊為擁鼻吟遠宦情懷銷壯志好花時節負歸心別離長恨人南北會合休論酒淺深欲把春愁鬧抖擻亂山高處一登臨皎歌於公庠之側公庠問之皎前寄皎公庠再坐皎歌於公庠之側公庠問之皎前稟曰張司理恰寄來令皎歌之以馱台座公庠遂青顧才翁尤厚

任昉

事往人離還似暮峽歸雲壠上流泉柰向分圓鏡已
斷么絃長記酒闌歌罷難忘月夕花前相携手處瑤
樓珠戶觸目依然 從來慣共綉幃羅帳鎮效比翼
文鴛誰念我而今清夜常是孤眠入戶不如飛絮傍
懷爭及爐烟這回休也 一生心事為你縈牽

玉照新志云此得廡宣仲有所記謂饒州舉
子張生事也或云即知常之子功燾也

辛幼安

馬上三年醉帽吟鞍錦囊詩卷長留悵溪山舊管風
月新收明便關河杳杳去應日月悠悠笑千篇索價

未抵蒲桃五斗涼州 停雲老子有酒盈尊琴書端
可消憂渾未解傾身一飽浙米矛頭心似傷弓塞鴈
身如喘月吳牛曉天涼夜月明誰伴吹笛南樓

孤鷺

早春

馬莊父

沙堤香軟正宿雨初收落梅飄滿可柰東風暗逐馬
蹄輕捲湖波又還漲綠粉墻陰日融烟煖鷓地刺桐
枝上有一聲春喚 任酒帘飛動画樓晚便指數燒
燈時節非遠陌上叫聲好是賣花行院玉梅對粧雪
柳鬧蛾兒象生嬌顫歸去爭先戴取倚寶釵雙燕

早梅

朱希真

天然標格是小萼，誰紅芳姿，疑白淡竚。新粧淺點壽陽宮，額東君想留厚意。倩年年與傳消息，昨日前村雪裏，有一枝先拆。念故人何處，水雲隔，縱駟使相逢。難寄春色，試問丹青手，是怎生描得。曉來一番雨過，更那堪，數聲羌笛歸去，和羹未晚，勸行人休摘。

雙雙燕

史邦卿

過春社了，度簾幕中間，去年塵冷。差池欲住，試入舊巢相並，還相雕梁藻井。又軟語商量不定，飄然快拂花梢，翠尾分開紅影。芳徑芹泥雨潤，愛貼地爭飛，競誇輕俊。紅樓歸晚，看足柳昏花暝，應自棲香正穩。便忘了天涯芳信，愁損翠黛雙蛾。日日西欄獨凭。

黃河清慢

應制作

晁次膺

晴景初升，風細細，雲收天淡。如洗望外，鳳皇城闕，葱蔥佳氣朝罷。香烟滿袖，侍臣報天顏有喜。夜來連得封章奏，大河徹底清泚。君王壽與天齊，馨香動上穹，頻降祥瑞。大晟奏功六樂，初調宮徵，合殿薰風乍轉。萬花覆千官，盡醉內家傳詔。重開宴，未央宮裏。

鐵圍山叢談云：宣和初，燕樂初成，八音告備，因作徵招角招，有曲名黃河清壽香明二者，音調極韶美。次膺作此詞時，天下無聞，邇遐小大，雖偉男鬚女，皆爭唱之。又有一曲曰深院鎖春風，悄無人挑。李自癸亦歌之。遂入大晟府。

八節長歡

送孫守
公素

毛澤民

名滿人間記黃金殿舊賜清閑才高鸚鵡賦風稟惠
文冠濤波何處試蛟鱔到白頭猶守溪山且做龔黃
樣度留與人看 桃蹊柳曲陰圓雖唱斷旌旗却捲
春還襦袴寄餘溫雙石畔唯聞吏膽長寒詩翁去誰
細遶屈曲欄干從今後南來幽夢應隨月度雲端

登高詞

前人

澤國秋深綉楹天近坐久鬼清溪山遠樽酒雲霧浥
衣襟餘霞孤鴈送愁眼寄寒閨一點離心杜陵老兩
峯秀處短髮踈巾 佳人為拆寒英羅袖濕真珠露

冷金鈿幽艷為誰妍東籬下却教醉倒淵明君但飲
莫覩他落日蕪城從教夜龍山明月端的解留人

奪錦標

送李
景山

應滕賓

越
嶠志

老氣盤空牙名照萬里西風行色人物朝中第一司
馬題橋班超投筆記承流宣化早威聲先馳殊域看
吟鞭笑指關河歷當年曾識 自古人心忠義百水
朝東衆星拱極銅柱無端隔斷天南天北念瞻丹闕
捧紅雲金泥香調屑明年歸對西山細說安邊策

應天長慢

寒
食

周美成

條風布暖霏霧弄晴池塘遍滿春色正是夜堂無月

沉沉暗寒食梁間燕前社客似笑我閉門愁寂亂花
過隔院芸香滿地狼籍長記邯鄲時邂逅相逢郊
外駐油壁又見漢宮傳燭飛煙五侯宅青青草迷路
陌強載酒細尋前跡市橋遠柳下人家猶自相識

閨情

康伯可

管絃綉陌燈火畫橋塵香舊時歸路腸斷蕭娘舊日
風簾映朱戶鶯能舞花解語念後約頓成輕負緩雕
轡獨自歸來凭闌情緒楚岫在何處香夢悠悠花
月更誰主惆悵後期空有鱗鴻寄紉素枕前淚窓外
雨翠幙冷夜涼虛度未應信此度相思寸腸千縷

蘇堤春曉

西湖
十景

張矩

曙林帶暝晴靄弄霏鶯花未認遊客草色舊迎離輦
蒙茸暗香陌秋千架閒曉索正露濕綉鴛痕索費人
省隔夜濃歡醒處先覺重過湧金樓畫舫紅旌催
向斷橋泊又怕晚天無準東風妬芳約垂楊岸今勝
昨水院近占春光酌恁時候不道歸來香斷燈落

平湖秋月

候蛩探暝書鴈寄寒西風暗剪綃織報道鳳城催輪
笙歌散無跡冰輪駕天緯逼漸欸引素娥遊歷夜粧
靚獸展菱花淡絢秋色人在湧金樓漏迴繩低光

重袖香滴笑語又驚栖鵲南飛傍林闌孤山影波共
碧向此際隱逋如識夢仙遊倚遍霓裳何處聞笛

斷橋殘雪

麓漸迥曉篙水漲漪孤山漸捲雲簇又見岸容舒臘
菱花照新沐橫斜樹香未北倩點綴數梢疎玉斷腸
處日影輕消休怨霜竹簾上湧金樓酒艷酥融金
縷試春曲最好半殘鳩鵲登臨快心目瑤臺夢春未
足更看取灑窓填屋灞橋外柳下吟鞭歸趁游燭

雷峯落照

磬圓樹杪舟亂柳津斜陽又滿東角可是暮情堪翦

平分付烟郭西風影吹易落認滿眼脆紅先爍笑惟
有塔起半輪千載如昨誰信湧金樓此際憑闌人
共楚英約準擬換樽陪月繒空捲塵幙飛鴻倦低未
泊闔闔指數來還錯笑聲裏立盡黃昏剛道愁惡

麴院風荷

換橋渡舫添柳護堤坡僊舊欠今續四面水窓如染
香波釀春麴田田處成暗綠正萬羽背風斜轟亂鷗
去不信雙鴛午睡猶熟還記湧金樓共撫雕闌低
度浣沙曲自與故人輕別榮枯換涼燠亭亭影驚艷
目忍到手又成輕觸悄無語獨撚花鬢心事曾卜

花港觀魚

岼容浣錦波影墮紅纖鱗巧避鳧唼禹浪未成頭角
吞舟膽猶怯湖山水江海匝怕自有暗泉流接楚天
遠尺素無期枉語停楫 回望湧金樓帶草蠻烟縹
緲際城堞漸見暮柳敲月輕舫亂如葉濠梁興歸未
愜記舊伴袖携留插指魚水總是心期休怨三疊

南屏晚鐘

翠屏對晚鳥榜占隄鐘聲又歛春色幾度半空敲月
山南應山北歡娛地空浪迹謾記省五更聞得洞天
曉夾柳橋踈穩縱香勒 前度湧金樓嘯傲東風鷗

鷺半相識暗數院僧歸志長虹卧深碧花間恨猶記
憶正素手亦裁輕其後不道人來燈細窓隙

柳浪聞鶯

翠迷倦舞紅駐老粧流鶯怕與春別過了禁煙寒食
東風顫環鐵遊人恨柔帶結更喚醒羽喉宮舌画船
遠不認綿蠻晚棹空歌 争似湧金樓燕燕歸來鈞
轉暮簾揭對語畫梁消息香泥砌花屑昆明事休更
說費夢繞建章宮闕曉啼處穩繫金狨雙鐙籠月

三潭印月

桂輪逼彩菱沼漾金潛虬暗動鮫室水路乍疑霜雪

明眸洗春色年時事還記憶對萬頃封痕龜折舊遊
處不認三潭此際曾識今度湧金樓素練縈窓頻
照庾侯席自與影娥人約移舟弄空碧宵風悄籤漏
滴早未許睡魔相覓有時恨月被雲妨天也拚得

兩峯掉雲

暮屏翠冷秋樹赭踈雙峯對起南北好與霽天相接
浮圖現西極茗堯處雲共碧謾費盡少年游屐故鄉
遠一望空遙水斷煙隔閒凭湧金樓瀲灩波心如
洗夢淹筆喚起睡龍蒼角盤空壯商邑西湖路成倦
客待倩寫素纈千尺便歸去酒底花邊猶自看得

雲僊引

桂花

馮偉壽

紫鳳臺高紅鸞鏡裏翻翻幾度秋馨黃金重綠雲輕
丹砂鬢邊滴粟翠葉玲瓏烟剪成含笑出簾月香滿
袖天霧縈身年時花下逢迎有遊女翩翩如五雲
亂擲芳英為簪斜朶事事關心長向金風一枝在手
嗅藥悲歌雙黛嚙遠臨溪樹對初弦月露下更深

繡停針

陸務觀

歎半紀跨萬里秦吳頓覺衰謝回首鵷行英俊並遊
咫尺玉堂金馬氣凌嵩華負壯畧縱橫王霸夢經洛
浦梁園覺來淚流如瀉山林定去也却自恐說著

少年時話靜院焚香閑倚素屏今古總成虛假起時
婚嫁幸自有湖邊茅舍燕歸應笑客中又還過社

瓊瓏四犯

春思

周美成

穠李夭桃是舊日潘郎親試春艷自別河陽長負露
房煙臉憔悴髮點吳霜念想夢魂飛亂嘆畫欄玉砌
都換總始有緣重見夜深偷展香羅薦暗牕前醉
眠葱蒨浮花浪蘂都相識誰更曾攙眼休問舊色舊
香但認取芳心一點又片時一陣風雨惡吹分散

京口寄所思

史達祖

閣甚吳天頓放得離緒江南多少一雨為秋涼氣小

窓先到輕夢聽徹風蒲又散入楚客清曉問世間愁
在何處不離澹烟芳草簾紋獨浸芙蓉影想淒淒
欠郎偎抱即今卧得雲衣冷山月仍相照方悔翠袖
易分難聚有玉香花笑待鴈來先寄新詞歸去且教
知道

越中歲暮聞簫鼓感懷

姜堯章

疊鼓夜寒垂燈春淺匆匆時事如許倦遊歡意少倦
仰悲今古江淹又吟恨賦記當時送君南浦萬里乾
坤百年身世惟有此情苦揚州柳垂官路有輕盈
喚馬端正窺戶酒醒明月下夢逐潮聲去文章信美

知何用謾贏得天涯羈旅教說與春來要尋花伴侶

金菊對芙蓉

東坡

花則一名種分三色嫩紅妖白嬌黃正新秋佳景雨
霽風涼郊墟十里飄蘭麝灑處旖旎非常自然風
韻開時不惹蜂亂蜂狂 携酒獨揖蟾光問花神何
屬離光中央引騷人乘興廣賦詩章幾多才子爭攀
折嫦娥道三種清香狀元紅是黃為榜眼白探花郎

秋怨

康伯可

梧葉飄黃萬山空翠斷霞流水爭輝正金風西起海
燕東歸凭欄不見南來鴈望故人消息遲遲木樨開

後不應悞我好景良時 只念獨守孤幃把酒前祝
付一旦分飛上秦樓遊賞酒殢花迷誰知別後相思
苦悄為伊瘦損香肌花前月下黃昏院落珠淚偷垂

劉靜甫

淺拂春山慢橫秋水玉纖閑理絲桐按清冷繁露淡
竚悲風素絃瑤軫調新韻顫翠翹金簇芙蓉疊蠲重
鎖輕挑慢摘特地情濃 泛商刻羽無窮似和鳴鶯
鳳律應雌雄問高山流水此意誰同箇中只許知音
聽有茂陵車馬雍容畫簾人靜琴心三疊時倒金鐘

月華清

憶別

馬莊父

瑟瑟秋聲蕭蕭天籟滿庭搖落空翠數遍丹楓不見
葉間題字人何處千里婁娟愁不斷一江流水遙睇
見征鴻幾點碧天無際 悵望月中仙桂問竊藥佳
人誰與同歲把鏡當空照盡別離情意心裏恨莫結
丁香琴上曲休彈秋思怕裏又悲來老却蘭臺公子

春夜對月

洪叔璵

花影搖春虫聲吟暮九霄雲幕初捲誰駕冰蟾擁出
桂輪天半素魄映青瑣窓前皓彩散画欄干畔凝眄
見金波晃漾分輝鵲殿 况是風柔夜暖正燕子新
來海棠微綻不似秋光只照離人腸斷恨無柰利鎖

名韁誰為喚舞裙歌扇吟玩怕銅壺催曉玉繩低轉

梨花

朱淑貞

雪壓庭春香浮花月攬衣還怯單薄欹枕徘徊又聽
一聲乾鵲粉淚共宿雨闌干清夢與寒雲寂寞除却
是江梅曾許詩人吟作 長恨曉風漂泊且莫遣香
肌瘦減如削深杏天桃端的為誰零落况天氣粧點
清明對美景不妨行樂拚着向花時取一杯獨酌

玉蝴蝶

京城

柳耆卿

漸覺芳郊明媚夜來膏雨一洗塵埃滿日淺桃深杏
露染烟裁銀塘靜魚鱗簾展烟岫翠龜甲屏開殷晴

雷雲中鼓吹遊徧蓬萊 徘徊隼旟前後三千珠履
十二金釵雅俗熙熙下車成宴盡春臺好雍容東山
妓女堪笑傲北海樽壘且追陪鳳池歸去那更重來

秋思

前人

望處雲收雨斷凭欄悄悄目送秋光晚景蕭疎堪動
宋玉悲涼水風輕蘋花漸老月露冷梧葉飄黃遣情
傷故人何在烟水茫茫 難忘文期酒會幾辜風月
屢變星霜海濶山遙未知何處是瀟湘念雙燕難憑
遠信指暮天空識歸航黯相望斷鴻聲裏立盡斜陽

重陽

前人

淡蕩素商行暮遠空雨歇平野煙收滿目江山堪助
楚客冥搜素光動雲濤漲晚紫翠冷霜巘橫秋景清
幽渚蘭香謝汀樹紅愁 良儔西風吹帽東籬菊酒
共結惟遊淺酌低吟坐中俱是飲家流對殘暉登臨
休嘆賞令節醅酎方酌且相留眼前尤物盞裡忘憂

春思

晁叔用

目斷江南千里灞橋一望烟水微茫畫鎖重門人去
暗惜流光雨輕輕梨花院落風淡淡楊柳池塘恨偏
長佩沉湘浦雲散高唐 清狂重來一夢手搓梅子
煮酒新嘗寂寞經春小橋依舊燕飛忙玉鈎欄凭多

漸煖金縷枕別久猶香最難忘看花南陌待月西廂

秋思

高賓王

喚起一碟涼思未成晚雨先做秋陰楚客悲殘誰解
此意登臨合臺蒸斷霞斜照新夢黯微月疎砧總難
禁盡將幽恨分付孤斟從今倦看青鏡既遲勲業
可負煙林斷梗無憑歲華搖落又驚心想尊汀水雲
愁疑閉蕙帳猿鶴恁吟信沉沉故園歸計休更侵尋

史達祖

晚雨未催宮樹可憐間葉猶抱涼蟬短景歸秋吟思
又接愁邊漏初長夢魂難禁人漸老風月俱寒想齒

歡土花庭甃蟲網闌干無端啼蛄攪夜恨隨團扇
苦近秋蓮一笛當樓謝娘懸淚立風前故園晚強留
詩酒新馬遠不致寒暄隔蒼烟楚香羅袖誰伴婢娟

王忠州家席上作

陸務觀

倦客平生行處陸鞭京洛解佩瀟湘此夕何年來賦
宋王高堂繡簾開香塵乍起蓮步穩銀燭分行暗端
相燕羞鶯妬蝶遶蜂忙難忘芳樽頻勸峭寒新退
玉漏猶長幾許幽情只愁歌罷月侵廊欲歸時司空
笑悶微近處丞相嗔狂斷人腸假饒相送上馬何妨

和維陽晁侍郎寄強伯

葛信齋

憶昨茗溪慣弄五亭月，笛四水烟，篔簹何事毗檀門外。
馬駐長坡，野花中亂紅，香靄小橋外。疊翠嵯峨，且顏
酖，但存長袖舞到婆娑。云何立盟，惠政春行五馬。
月皎千波，贏得賓僚聽隔牆，無事高歌。帳烟寒瑞麟
影墮，簾霧細，寶鴨香多。試蹉跎，一枰落日，又送樵柯。

燕山亭

杏花

宋徽宗

裁翦冰綃，輕疊數重，冷淡燕脂勻注。新樣靚粧，艷溢
香融，羞殺藥珠宮女。易得凋零，更多少無情風雨。愁
苦，閑院落淒涼，幾番春暮。憑寄離恨，重重這雙燕，
何曾會人言語。天遙地遠，萬水千山，知他故宮何處。

恁不思量，除夢裡有時曾去，無據和夢也。新來不做

中秋諸王席上作

曾純甫

河漢風清，庭戶夜涼，皓月澄秋時候。冰鑑乍開，跨海
飛來，光掩滿天星斗。四捲珠簾，漸移影寶階，鴛鴦還
又看，歲歲嬋娟，向人依舊。朱邸高宴，簪纓正歌吹，
瑤臺舞翻宮袖。銀管競酬，棟萼相輝，風流古來誰有。
玉笛橫空，更聽徹霓裳三奏。難偶拚醉倒，參橫曉漏。

三姝媚

史邦卿

烟光搖縹瓦，望晴簷多風，柳花如酒。錦瑟橫床，想淚
痕塵影，鳳絃常下。倦出犀帷，頻夢見王孫驕馬。諱道

想思偷理綉裙自驚腰袂 惆悵南樓遙夜記翠箔
張燈枕肩歌罷又入銅駝過舊家門巷首詢聲價可
惜東風將恨與閑花俱謝記取崔徽模樣歸來暗寫
一道兒別苦是誰家花天月地兒女紫曲藏嬌慣錦
窠金翠玉璫鍾呂綺席傳宣笑聲裏龍樓三鼓歌扇
題詩舞袖籠香幾曾塵土 因甚番春不住怎知道
人間匆匆今古金屋銀屏被西風將換夢汀蘋渚如
此江山應悔却西湖歌舞載取斷雲何處江南烟雨

次周公謹故京送別韻

王沂孫

蘭缸花半吐正西窓淒淒斷螢新鴈別久逢稀謾相
看華髮共成銷黯總是飄零更休賦梨花秋苑何況
如今離思難禁俊才都減 今夜山高江淺又月落
帆空酒醒人遠綵袖烏紗解愁人惟有斷歌幽婉一
信東風再約看紅腮青眼只恐扁舟西去蘋花弄晚

鎖寒窓

寒食

周美成

暗柳啼鴉單衣竚立小簾朱戶桐花半畝靜瑣一庭
愁雨洒空堦更闌未休數人剪燭西窓語似楚江暝
宿風燈零亂少年羈旅 遲暮嬉遊處正店舍無烟
禁城百五旗亭喚酒付與高陽儔侶想東園桃李自

春小唇秀靨今在否到歸時定有殘英待客携樽俎

楊補之

柳暗藏鴉花深見蝶物華如綉情多思遠又是一番
清瘦憶前回庭榭未春箇人預約同携手恨遲留載
酒期程孤負踏青時候搔首雙眉暗闌况無似今
年一春晴晝風儂雨愔直得迤逗想閑窓針線倦拈
寂寞細撚醪醺嗅待還冢定自冤人淚粉盈襟袖

有感

程先傳之宋
休寧人

雨洗紅塵雲迷翠麓小車難去淒涼感慨未有今年
春暮想曲江水邊麗人影沉香歇誰為主但免葵燕

麥風前搖蕩徑花成土

空被多情苦慶會難逢少

年幾許紛紛涕洟負了青陽凡五待何時重享太平
典衣貰酒相尔汝笑蘭亭有此歡娛又却悲今古

蕭允之

細雨收塵輕陰弄日柳絲掠道桃邊杏處猶記王驄
曾到對東風回首舊游香消艷歇無音耗悵佳人有
約難來綠遍滿庭芳草愁抱沉吟久問翠珥金鈿
為何人好回文細字塵暗當年織綺倚闌干斜陽又
西歡期易失春易老待何時再覓珍叢共把清尊倒

五福降中天慢

梅

沈約之

月隴煙淡霜溪滑孤宿暮林荒驛遠樹微吟巡簷索
笑自分平生相得水池半釋正節物驚心淚痕沾臆
流水濺濺照影古寺滿春色沈歎今年未識暗香
微動人初寂酷愛芳姿最憐幽韻來款禪房深密他
時恨悵却月凌風信音難的雪底幽期為誰還露立

紫玉簫

韓相家
姬輕盈

晁無咎

羅綺叢中笙歌筵裏眼狂初認輕盈無花解比似一
鈎新月雲際初生美不虛得都占與第一佳名輕歸
去那知有人別後牽情襄王自是春夢休謾說東
牆事更難憑誰教慕宋要題詩曾倚寶柱低聲似瑤

臺曉空暗想衆裏飛瓊餘香冷猶在小窓一到魂驚

三部樂

周美成

浮玉霏瓊向邃館靜軒倍增清絕夜窓垂練何用交
光明月近聞道官閣多梅趣暗香未遠凍蘂初發倩
誰摘取寄贈情人桃葉迴文近傳錦字道為君瘦
損是人都說沃知染紅着手膠梳粘髮轉思量鎮長
藜睫都只為情深意切欲報消息無一句堪愈愁結

七月送丘宗卿使虜

陳同父

小窟穹廬但三蒲三平其勞均佚人中龍虎本為明
時而出只合是端坐王朝看指揮整辨掃蕩飄忽也

持漢節聊過舊家宮室 西風又還帶暑把征衫著
上有時披拂休將看花淚眼間弦 骨對遺民有如
皎日行萬里依然故物入奏幾策天下禮終定于一

芳草

古鳳
蕭吟

韓王汝

鑱離愁連綿無際來時陌上初熏繡幃人念遠暗垂
珠露泣送征輪長行長在眼更重重遠水孤雲但望
極樓高盡日日斷王孫 消菟池塘別後曾行處綠
妬輕裙恁時携素手亂花飛絮裏緩步香裊朱顏空
自改向年年芳意長新遍綠野嬉遊醉眼莫負青春

丁香結

周美成

蒼蘚沁階冷螢粘屋庭樹望秋先隕漸雨淒風迅澹
暮色倍覺園林清潤漢姬紈扇在重吟翫葉擲未忍
登山臨水此恨自古消磨不盡 牽引起試酒歸時
映月同看鴈陣寶幄香縷薰爐象尺夜寒燈暈誰念
留滯故園舊事勞方寸唯丹青相伴那更塵昏蠹損

聒龍謠

朱希真

肩拍洪崖手攜子晉夢裏斲辭塵宇高步層宵俯人
間如許笑蝸戰多少功名問蟻聚幾回今古度銀潢
展盡參旗桂華淡月飛去 天風緊玉樓斜舞萬女
霓袖光搖金縷明廷燕闕倚青冥回顧過瑤池重借

雙成就楚岫更邀巫女轉雲車指點虛無引蓬萊路

二

憑月攜簫溯空秉羽夢踏絳霄仙去花冷街榆悄中
天風露並真官縹珮芬芳望帝所紫雲容與享鈞天
九奏傳觴聽龍嘯看鸞舞 驚塵世悔平生歎萬感
千恨誰憐深素群仙念我好人間難住勸阿母偏與
金桃教酒醒賸斟瓊醕醉歸時手授丹經指長生路

閨怨無悶

程正伯

天與多才不合更與殢柳憐花情分甚總為才情惱
人方寸早是春殘花褪也不料一春都成病自失笑

因甚腰圍半減淚珠頻搵 難省也怨天也自恨怎
免千般思忖倩人說與又却不忍拚了一生愁悶又
只恐愁多無人問到這裡天也憐人看他穩也不穩

雪意

王沂孫

陰積龍荒寒度鴈門西北高樓獨倚悵短景無多亂
山如此欲喚飛瓊起舞怕攪碎紛紛銀河水凍雲一
片藏花護玉未教輕墜 清致悄無似有照水一枝
已撓春意誤幾度憑欄莫愁凝睇應是梨花夢好未
肯放東風來人世待翠管吹破蒼茫看取玉壺天地

月下笛

次韻

魯允元

又老楊花浮萍點點一溪春色閑尋舊迹認溪頭浣
沙磧柔條折盡成輕別向空外搖替一擲美無情更
苦鶯巢暗葉題破幽寂凝立闌干側記露飲東園
聯鑣西陌容銷鬢減相逢應自難識東風吹得愁似
海漫點染空堦自碧獨歸晚解說心中事月下短笛

垂楊

懷古

陳允衡

銀屏夢覺漸淺黃嫩綠一聲鶯小細雨輕塵建章初
閉東風悄依然千樹長安道翠雲籠玉窓深窈窕橋
人空倚斜陽帶舊愁多少還是清明過了任烟縷
露條碧纖青嫩恨隔天涯幾回惆悵蘇堤曉飛花滿

地誰為掃甚薄倖隨波縹緲啼鵲不喚春歸人自老

鴈過粧樓

已巳菊日寓滬陽聞
鴈聲因動鵲鵲之感

張炎

偏插茱萸人何處客裏頓懶携壺鴈影涵秋絕似暮
雨相呼料得曾留堤上月舊家伴侶有書無謾嗟吁
數聲怨抑翻致無書一笑飄零萬里更可憐倦翼
同此江湖飲啄關心知是近日何如陶潛謾存逕菊
最堪羨松風陶隱居沙汀冷揀寒枝不似烟水寒蘆

大有

九日

漁庄潘希白

戲馬臺前採花籬下問歲華還是重九恰歸來南山
翠色依舊簾櫳昨夜聽風雨都不似登臨時候一片

宋玉情懷十分衛卽清瘦
紅萸佩空對酒砧杵動
微寒暗欺羅袖秋已無多早是敗荷衰柳強整帽簷
歌側曾經向天涯搔首幾回憶故國尊鱸霜前鴈後

陌上花

使歸
有懷

張仲舉

關山夢裏歸來還又歲華催晚馬影鷄聲諳盡倦郵
荒館綠牋密記多情事一看一回腸斷待旅勤寄與
舊遊鶯燕水流雲散 蒲羅衫是酒香痕凝處唾碧
啼紅相半只恐梅花瘦倚夜寒誰暖不成便沒相逢
日重整釵鸞箏鴈但何卽縱有春風詞筆病懷渾嬾

螭梅香

吳師孟

錦里陽和看萬木凋時早梅獨秀瓊館瓊樓正絳趺
初吐穠華將茂國艷天葩真淡皜雪肌清瘦似廣寒
宮鉛華未御自然粧就 凝睇倚朱欄噴清香暗度
易襲襟袖好與花為主宜秉燭頻觀泛湘酌莫待南
枝隨樂府新聲吹後對賞心人良辰好景須信難偶

喻明仲

愛日初長正園林纔見萬木凋黃檻外朝來已見數
枝復欲掩映回廊賜與東皇付芳信粧點江鄉想玉
樓中誰家艷質試學新粧 桃杏苦尋芳縱成蹊豈
能似恁清香素艷妖嬈應是盡夜曾與明月風光瑞

雪冰霜渾疑是粉蝶輕狂待拚吟賞休聽畫樓橫管
悲傷

秋宵吟

越調

姜白石

古簾空墜月皎坐久西窓人悄蛩吟苦漸漏永丁丁
箭壺催曉引涼颼動翠葆露脚斜飛雲表因嗟念侶
去國情懷暮帆烟草帶眼銷磨為近日愁多頓老
衛娘何在宋玉歸來兩地暗縈繞江楓早嫩約
無憑幽夢又杳但盈盈泪洒單衣今夕何夕恨未了

東風第一枝

春雪

史達祖

巧冰蘭心偷黏草甲東風欲障新暖謾凝碧瓦難留

信知暮寒較淺行天入鏡做弄出輕鬆纖軟料故園
不捲重簾悞了乍來雙燕青未了柳回白眼紅欲
斷杏開素面舊遊憶著山陰厚盟遂妨上苑寒爐重
暖便放慢春衫針線恐鳳靴桃菜歸來萬一灞橋相
見

二

草脚愁蘇花心夢醒鞭香拂散牛土舊歌空憶珠簾
綵筆倦題繡戶粘鷄貼燕想立斷東風來處暗惹起
一掬相思亂若翠盤紅綾今夜覓夢池秀句明日
動探花芳緒寄聲沽酒人家預約俊遊伴侶怜它梅

柳怎忍後天街酥雨待過了一月燈期日日醉扶歸去

三

酒館歌雲燈街舞綉笑聲喧似簫鼓太平京國多歡
大酺綺羅幾處東風不動照花影一天春聚耀翠光
金縷相交冉冉細吹香霧羞醉玉少年丰度懷豔
雪舊家伴侶閉門明月關心倚窓小梅索句吟情欲
斷念嬌俊知人無據想袖寒珠絡藏香夜久帶愁歸
去

錦堂春

司馬光

青箱
雜記

紅日遲遲虛廊轉影槐陰迤邐西斜彩筆工夫難狀
晚景煙霞蝶尚不知春去謾遶幽砌尋花柰猛風過
後縱有殘紅飛向誰家始知青春無價笑飄蓬宦
路荏苒年華今日笙歌叢裏特地咨嗟席上青衫濕
透美感舊何止琵琶怎不教易老多少離愁散在天
涯

再會

柳耆卿

墜髻慵梳愁蛾懶畫心緒是事闌珊覺新來憔悴金
縷衣寬認得這踈狂意下向人誚譬如閑把芳容整
頓恁地輕辜爭忍心安依前過了舊約甚當初賺

我偷剪雲鬟幾時得歸來香閣深閑待伊要尤雲帶
雨纏綉衾不與同惟儘更深款款問伊今後敢更無
端

雪梅

梅苑

臘雪初晴冰銷凝泮尋幽開賞名園向長亭登眺倚
遍朱欄拂面嚴風凍薄滿堦前霜葉聲乾竟小臺深
處數葉江梅漏泄春權 百花休恨開晚柰韶華瞬
息常放教先非是東君私語和煦恩偏欲寄江南音
耗念故人隔濶雲烟一枝贈春色待把金刀剪倩人
傳

換巢鸞鳳

春情

史邦卿

人若梅嬌正愁橫斷塢夢繞溪橋倚風融漢粉坐月
怨秦簫相思因甚到纖腰定知我今無覓可銷佳期
晚謾幾度淚痕相照 人悄天渺渺花外語香時透
卽懷抱暗握萸苗乍嘗櫻顆猶恨侵堦芳草天念王
昌忒多情換巢鸞鳳教偕老溫柔鄉醉芙蓉一帳春
曉

春夏兩相期

蔣捷

聽深深謝家庭館東風對語雙燕似說朝來天上婺
星光現金裁花誥紫泥香綉裹藤輿紅茵軟散臘宮

輝行鱗厨品至今人羨
西湖萬柳如線料月仙當
此小停颺輦付與長年教見海心波淺縈雲玉佩王
侯門洗雪華桐三春苑慢拍調鶯急鼓催鴛翠陰笙
院

高陽臺

送翠英

蔣捷

燕捲晴絲蜂粘落絮天教縮住間愁閑裏清明匆匆
粉澀紅羞燈搖縹暈并窓冷語未闌娥影分收好傷
情春也難留人也難留
芳塵滿目悠悠為問縈雲
佩響還繞誰樓別酒纔斟從前心事都休飛鶯縱有
風吹轉柰舊家苑已成秋莫思量揚柳灣西且擢吟

舟

張叔夏

古木迷鴉虛堂起燕歡遊轉眼驚心南圃東窓酸風
掃盡芳塵鬢貂飛入平原草寂可憐渾是秋陰夜沉
沉不信歸魂不到花深
吹簫踏葉尋幽去任船依
斷石袖裹寒雲老桂懸香珊瑚碎擊無聲故園已是
愁如許撫殘碑却又傷今更閑情秋水人家斜照西
林

慶樂園即韓平原南園成宣歲過之有碑石在荆
棘中惟存古桂百餘故未旬有今之視昔之感

春思

僧皎如晦

紅入桃腮青回柳眼韶華已破三分人不歸來空教

草怨王孫平明幾點催花雨
夢半闌欹枕初聞問東
君因甚將春老却閑人
東郊十里香塵軟旋安排
玉勒整頓雕輪趁取芳時去
尋島上紅雲朱衣引馬
黃金帶笑到頭總是虛名
莫閑愁一半悲秋一半傷
春

石州引

別恨

謝勉仲

日脚斜明秋色半陰人意
凄楚飛雲特地凝愁做
美晚來微雨誰家別院
舞困幾葉霜紅西風送客
闌砧杵鞭馬出都門正潮
平洲渚無語匆匆短棹滿
載離愁片帆高舉京洛紅
塵因念幾年羈旅淺顰輕
笑

風月逢迎別來誰画雙眉
嫵回首一銷凝望歸鴻容
與

慶長春

壽戴一軒

鐵筆翁

軒

有酒如澆便開懷痛飲我
歌君拍世事輪雲都莫問
祇要顏紅鬢黑鸚燕風清
鴛鴦水暖打當生申節董
風來也幾人感戴翁德好
是駕海胷襟屠龍手段
一突乾坤窄門外塵濤三
百尺不博剡溪一雪綠幘
紅圍妙歌細舞且醉三千
客問翁年紀廣成年有二
百

琵琶仙

吳興感遇

姜堯章

雙槩來時有人借舊曲桃根桃葉歌扇輕約飛花蛾
眉正奇絕春漸遠汀洲自綠更添了幾聲啼鴉十里
揚州三生杜牧前事休說又還是宮燭分煙柰愁
裏匆匆換時節都把一襟芳思與空階榆莢千萬縷
藏鴉細柳為玉尊起舞回雪想見西出陽關故人初
別

舜韶新

郭子正

香滿西風催歲晚東籬黃花爭吐嫩英細盞金艷繁
粧點高秋偏富寒地花媒少美自結多情煙雨粧面
年年謝他拒霜相顧寶馬王孫休笑孤芳陶令

因誰便思歸去負春何事此恨唯才子登高能賦千
古風流在占定泛重陽芳醕堪吟醉賞何須杏園深
處

四代好

程正伯

翠幙東風早蘭窓夢又被鶯聲驚覺起來空對平堦
綿絮滿庭芳草厭厭來愔懷抱記柳外人家曾到凭
畫闌那更春好酒好人好春好尚恐闌珊花好又
怕飄零難保直饒酒好如澠來抵意中人好相逢盡
拚醉倒况人與才情未老又豈閑春去春來花愁花
惱

雙頭蓮

陸務觀

華髮星星驚壯志成虛此身如寄蕭條病驥向暗裏
消盡當年豪氣夢斷故國山川隔重重烟水身萬里
舊凋零青門俊遊誰記 盡道錦里繁華歎官閑書
永柴荆添睡清愁自醉念此際付與何人心事縱有
楚施吳檣知何時東逝空悵望鱸羹菰香秋風又起
風卷征塵堪嘆處青驄正搖金轡客襟貯淚漫萬點
如血憑誰持寄你想想艷態幽情壓江南佳麗春正媚
怎忍長亭匆匆頓分連理 目斷淡日平蕪烟濃樹

遠微茫如薺悲歡夢裏柰倦客又是關河千里最苦
唱徹驪歌遲留無計何限事待與丁寧行時已醉

御帶花

永叔

青春何處風光好帝里偏愛元夕萬重繒綵構一屏
峯巔半空金碧寶檠銀缸耀絳幕龍虎騰擲沙堤遠
雕輪綉轂爭走五王宅 雍容熙熙作畫會樂府神
姬海洞仙客拽香搖翠稱執手行歌錦街天陌月淡
寒輕漸向曉漏聲寂寂當年少狂心未已不醉怎歸
得

萬年歡

元

胡浩然

燈月交光漸輕風布暖先到南國羅綺嬌容十里絳
紗籠燭花艷驚郎醉目有多少佳人如玉春衫袂整
整齊齊內家新樣粧束 歡情未足更闌謾勾牽舊
恨縈亂心曲悵望歸期應是紫姑頻卜暗想雙眉對
蹙斷絃待鴛膠重續休迷戀野草閑花鳳簫人在金
谷

春思

史邦卿

兩袖梅風謝橋邊岸痕猶帶陰雪過了匆匆燈市草
根青發燕子春愁未醒悞幾處芳音遼絕煙谿上采
綠人歸定應愁沁花骨 非干厚情易歇柰燕臺句

老難道離別小徑吹衣曾記故里風物多少驚心舊
事第一是侵階羅襪如今但柳髮晞春夜來和露梳
月

梅花

天氣嚴凝乍寒梅數枝嶺上開拆傳粉凝脂疑是素
娥粧拭先報陽和信息更雪月交光一色因追念往
日歡遊共君携手同摘 別來又經歲隔柰高楼夢
斷無計尋覓冷艷寒容啼雨恨烟愁濕似向人前淚
滴怎不使伊家思憶惟只恐寂寞空枝又隨昨夜羗
笛

王和父

雅出群芳占春前
信息臘後風光野
岸郵亭繁似萬
點輕霜清淺溪流
倒影更黯淡
月色籠香渾疑是
姑射冰姿壽陽粉
面初粧
多情對景易感
况淮天庾嶺迢遞
相望愁聽龍吟
悽絕畫角悲涼
念昔因誰醉賞
向此際空惱危腸
終須待結實
恁時佳味堪嘗

解語花

元宵

周美成

風銷焰蠟露浥烘爐
花市光相射
桂華流瓦纖雲散
耿耿素娥欲下
衣裳淡雅
看楚女纖腰一把
簫鼓喧人影參差
滿路飄香麝
因念都城放夜
望千門如

畫嬉笑遊冶
鈿車羅帕
相逢處自有暗塵隨
馬羊光是也
惟只見舊情衰謝
清漏移飛蓋
歸來從舞休歌罷

行歌趁月喚酒延秋
多買鴛鴦笑
葦枝嬌小
渾無奈一掬醉鄉
懷抱籌花鬪草
幾曾放好春
閑了芳意闌可惜香心
一夜酸風掃海上
仙山縹緲問玉環
何事苦無分
曉舊愁空查藍橋路
深掩半庭斜照
餘情暗惱
都緣是那時年少
驚回夢懶說相思
畢竟如何老

杏花天

三月二十七
姪壽姑

梅坡

婺星呈瑞對春餘幾許日臨三九正屬我姑初度旦
悅設當年門右綠鬢猶新紅顏未改真月宮仙友柏
舟節義富而榮貴長守况有詵桂青春潛心黃卷
指日功名就女郎乘龍全四德未老得閑仁壽天命
方知歲飢常賑陰德還多有麻姑王母年年同宴春
酒

惜寒梅

復雅歌詞

看盡千花愛寒梅暗與雪期霜約雅態香肌迥有天
然淡泊五侯園囿恣遊樂凭欄處重開綉幕秦娥粧

罷遙相縱艷

洛

天涯再見素萼似凝然尚人

玉容寂寞江上飄零怎把芳心付託那堪風雨夜來
惡便減動一分瘦削直須沉醉尤香殢雲莫待改落

慶春澤

劉叔安

燈火烘春樓臺浸月良宵一刻千金錦步承蓮彩雲
簇伏難尋蓬壺影動星毬轉映兩行寶珥瑤簪恣嬉
遊玉漏聲催未歇芳心笙歌十里誇張地記年時
行樂憔悴而今客裏情懷伴人閑笑閑吟小桃未靜
劉郎老把相思細寫瑤琴怕歸來紅紫欺風三徑成

陰

壽樓春

尋春服感念

史邦卿

裁春衫尋芳記金刀素手同在晴窓幾度因風殘絮
照舞斜陽誰念茂今無腸自少年消磨踈狂但聽雨
挑燈歌床病酒多夢睡時粧飛花去良宵長有絲
欄舊曲金譜新腔最恨湘雲人散楚蘭魂傷身是客
愁為鄉弄玉簫猶逢帝郎近寒食家相思未忘蘋藻
香

遶佛閣

周美成

暗塵四歛樓觀迥出高映孤館清漏將短厭聞夜久

籤聲動書幔桂華又滿閑步露草偏愛幽遠花氣清
婉望中迤邐城陰渡河岸倦客最蕭索醉倚斜橋
穿柳線還似汴堤虹梁橫水面看浪颭春燈舟下如
箭此行重見歎故友難逢羈思空亂兩眉愁向誰舒
展

傳枝花

巧

柳耆卿

平生自負風流才調口兒裡道知張鄭趙唱新詞改
難令揔知顛倒解刷扮能佞嗽表裏都峭每遇着飲
席歌筵人人盡道可惜許老了闍羅大伯原缺五
字但不須煩惱遇良辰當美景追歡買笑剩活取

百十年只恁厮好若限滿鬼使來追待倩箇掩通着
到

引駕行
恨秋
柳耆卿

虹收殘雨蟬嘶敗柳長堤暮背都門動銷黯西風片
帆輕舉愁靚泛画鷁翩翩靈囂隱隱下前浦忍回首
佳人漸遠想高城隔烟樹幾許秦樓永晝謝閣連
宵竒遇美贈笑千金醉歌百琲盡成輕負南顧念吳
邦越國風煙蕭索在何處獨自箇千山萬水指天涯
路

渡江雲
春景
周美成

晴嵐低楚甸暖回鴈翼陣勢起平沙驟驚春在眼借
問何時委曲到山家塗香暈色盛粉飾爭作妍華千
萬絲陌頭楊柳漸漸可藏鴉堪嗟清江東注畫舸
西流指長安日下愁宴蘭風翻旗尾潮濺烏紗今朝
正對初弦月傍水驛深艤蕙葭沉恨處時時自剔燈
花

賦荷花
盧申之

錦雲香滿鏡岸巾橫笛浮醉一身輕別愁繁短鬢晚
涼池閣此地忽逢迎柄圓歌綠倚風流還恁娉婷凭
畫闌嫣然輸笑無語寄心情盈盈露華勻玉日影

酡紅記晚粧慵整還暗驚人間離合羞對池萍三年
一覺西湖夢又等閑金井秋聲銷魂久夜深月冷風
清

集曲名

陳夢協翰

瑞雲濃縹緲弦月當庭天香滿院玉女傳言把真珠
簾捲擁鵲橋仙引江城子擬醉蓬萊宴吹紫玉簫唱
黃金縷按拍聲聲慢 畫錦堂前傾盃為壽祝快活
年應天長遠喜似娘兒解稱人心願夢蘭蕙芳種宜
男草丹鳳吟非晚更步蟾宮宴瓊林日漢宮春晚

絳都春

上元

丁仙現

融和又報乍瑞靄霽色皇州春早翠幃競飛玉勒爭
馳都門道鰲山結綵蓬萊島向晚色雙龍啣曉絳綃
樓上彤芝蓋底仰瞻天表 縹緲風傳帝樂慶三殿
共賞群仙同到迤邐御香飄滿人間聞嬉笑須臾一
點呈毬小漸隱隱鳴梢聲杳遊人月下歸來洞天未
曉

蔣竹山

春愁怎畫正鶯背帶綠酴醾花謝細雨院深淡月廊
斜重簾掛歸時記約燒燈夜早拆盡秋千紅架縱然
歸近風光又是翠陰初夏 姹姬顰青泫白恨玉佩

罷舞芳塵凝榭幾擬倩人付與香蘭秋羅帕知他墮
策斜攏馬在底處垂楊樓下無言暗擁嬌鬟鳳釵溜
也

別張子儀

趙德莊

平生相遇笑未有笑語閩山佳處舊日文章如今風
味渾如許眼前都是蓬萊路但莫道有人曾住異時
天上種種風流待君如故 此自君家舊物看九萬
清風為君掀舉舉上青雲却憶梅花如舊否故人衰
病今無緒只種得梅花盈圃待君一過山家共斟露
醕

為清華內子壽

吳君特

香深霧暖正人在錦瑟年華深院舊日漢宮分得紅
蘭滋吳苑臨池羞落梅花片弄水月初勻粧面紫煙
籠處雙鳶共跨洞簫低按 歌筵紅圍翠袖凍雲外
似覺東風先轉繡畔晝遲花底天寬春無限仙郎嬌
馬瓊林宴待捲上珠簾教看更傳鶯入新年寶釵夢
燕

清明

劉叔安

和風乍扇又還是去年清明重到喜見燕子巧說千
般如人道墻頭陌上青梅小是處有閑花芳草偶然



原件短缺

缺47~48页

思想前歡醉賞牡丹時候
當此三春媚景好連宵
恣樂情懷歌曲縱有味珍難買紅顏長年少從他烏
兔茫茫走更莫待花殘鶯老恁時歡笑休把萬金換
了

梅花

朱淑真

寒陰漸曉報驛使探春南枝開
早粉黛弄香芳臉凝
酥瓊枝小雪天分外精神好
向白玉堂前應到化工
不管朱門閉也暗傳音耗
輕澱盈盈笑靨稱嬌面
愛學宮粧新巧幾度醉吟獨倚欄
于黃昏後月籠踈
影橫斜照更莫待單于吹老
便須折取歸來膽餅

了

夜合花

賦
笛

史邦卿

冷截龍腰偷拏鴛瓜楚山長鎖秋雲
梅華未落年年
怨入江城千嶂碧一聲清柱
人間兒女簫笙共滄涼
處琵琶湓浦長嘯蘇門
當時低度西鄰尺澹闌干
欲暮曾賦高情子期老矣不堪滯酒
重聽纖手靜七
星明有新聲應更魂驚
夢回人世寥寥夜月空照天
津

二

柳鎖鶯魂花翻蝶夢自知愁染潘郎輕衫未攬猶將

淚點偷藏念前事怯流光早春窺酥雨池塘向銷凝
裡梅開半面清滿徐妝 風絲一寸柔腸曾在歌邊
惹根燭底縈香芳機瑞錦如何未織鴛鴦醉扶人月
依墻是當初誰敢踈狂把閑言語花房夜叉各自思
量

壺中天

壽陳碧山

錦溪

騎鯨直上問姮娥何日天生英傑笑下瓊樓還報道
甫近迎長佳節萬里無雲一天如水擁出新團月正
當此夜文星飛下天闕 蟾苑元有高枝至今猶待
自是無心折只愛林泉供笑傲吟出陽春白雪冠王

精神希夷仙種秘受長生訣蓬壺不老待看蘭玉英
發

壬寅自壽

劉後村

比如去歲前年今朝差覺門庭靜玉軸錦標無一首
知道先生遠佞假使文殊攜諸菩薩來問維摩病無
花堪散亦無香積齋襯 回首雪浪驚心黃茅過頂
瘴毒如炊甑山鬼海神俱長者饒得書生窮命不慕
飛仙不貪成佛不要鑽天今年今日白頭母家慶

念奴嬌

一名酹江月大江東去赤璧詞百字令百字謠

東坡

大江東去浪淘盡千古風流人物故壘西邊人道是

三國周郎赤壁亂石穿空驚濤拍岸捲起千堆雪江
山如畫一時多少豪傑遙想公瑾當年小喬初嫁
了雄姿英發羽扇綸巾談笑間檣櫓灰飛烟滅故國
神遊多情應笑我早生華髮人生如夢一樽還酹江
月

東坡赤壁懷古之詞曾經御覽重加歎賞賜名爵
江月若溪漁隱吹劍結錄云東坡在王堂日
有幕士善歌因問我詞此柳耆卿詞何如對曰柳
即中詞只好十七八女孩兒按拍歌楊柳
岸曉風殘月學士詞須闕西大漢魏詞拍歌楊柳
江東去公為之絕倒吹劍錄云大江東去詞三
江三人二國二生二故如二千字以東坡則可
他人固不可然語意到處他字不可代雖重無害
也今人看人文字未論其
大休如何先且指點重字

二秋中

憑高眺遠見長空萬里雲無留迹挂鳧飛來光射處
冷浸一天秋碧王宇瓊樓乘鳶來去人在清涼國江
山如畫望中煙樹歷歷我醉拍手狂歌舉盃邀月
對影成三客起舞徘徊風露下今夕不知何夕便欲
乘風翻然歸去何用騎鵬翼水晶宮裏一聲吹斷橫
笛

黃魯直

斷虹霽雨淨秋空山染脩眉新綠桂影扶疎誰便道
今夕清輝不足萬里青天嫦娥何處駕此一輪玉寒

光零亂為誰偏照醺醺 年少隨我追涼晚尋幽徑
遠張園森木醉倒金荷家萬里難得樽前相屬老子
平生江南江北最愛臨風笛孫郎微笑坐來聲噴霜
竹

雅詞御製

雅懷素態向閑中天與風流標格綠鑲窓前湘簾展
終日風清人寂王子聲乾紋揪色靜星點連還直跳
九日月笑應局上銷得全似洛浦斜暉寒鷗游鷺
亂點沙汀漬妙笑神機須信道國手都無勅敵玳席
歡餘芸堂香暖羸取專良夕桃源歸路爛柯應笑兀

客

送王長卿赴河間司錄

趙承之

舊遊何處記金湯形勝蓬瀛佳麗綠水芙蓉元帥與
賓僚風流濟濟萬柳亭邊雅歌堂上醉倒春風裏十
年一夢覺來烟水千里 惆悵送子重遊南樓依舊
否朱欄誰倚要識當時惟是有明月曾陪珠履量減
盃中雪添頭上甚矣吾衰矣酒徒相問為言憔悴如
此

春恨

沈公述

杏花過雨漸殘紅零落胭脂顏色流水飄香人漸遠

難託春心脉脉恨別王孫墻陰目斷手把青梅摘金
鞍何處綠楊依舊南陌消散雲雨須臾多情因甚
有輕離輕拆燕語千般爭解說此子伊家消息厚約
深盟除非重見見了方端的而今無柰寸腸千恨堆
積

中秋燕客

葉少蘊

洞庭波冷望冰輪初轉滄海沉沉萬頃孤光雲陣卷
長笛吹破層陰洶湧三江銀濤無際遙帶五湖深酒
闌歌罷至今鼉怒龍吟回首江海平生漂流容易
散佳會難尋縹緲高城風露爽獨倚危檻重臨醉倒
林清樽常娥應笑猶有向來心廣寒宮殿為余聊借瓊

程書舟

秋風秋雨正黃昏供斷一窓愁絕帶減衣寬誰念我
難忍重城離別轉枕褰幃挑燈整被總是相思切知
他別後負人多少風月不是怨極愁濃只愁重見
了相思難說料得朝來魂夢不管飛來蝴蝶排悶人
間寄愁天上終有歸時節如今無柰亂雲依舊千疊

秋月

李漢老

素光練淨映秋山隱隱脩眉橫綠鵲樓高天似水

碧瓦寒生銀粟萬丈斜暉奔雲湧霧飛過盧仝屋更
無塵氣滿庭風碎梧竹誰念鶴髮仙翁當年曾共
賞紫巖飛瀑對影三人聊痛飲一洗離愁千斛斗轉
參橫翩然歸去萬里騎黃鵠滿天霜曉叫雲吹斷橫
玉

曾公袞

片帆暮落正前村梅蘂愁人如雪東陌西溪長記得
踈影橫斜時節六出水姿玉人微步笑裏輕輕折蘭
房同醉暗香曾共私竊回頭萬水千山一枝重見
處離腸千結料想臨鵲消瘦損時把啼紅偷浥怎得

伊來許多幽恨共撚青梢說如今千里斷腸空對明
月

賞芍藥

曾純甫

人生行樂筭一春歡賞都來幾日綠暗紅稀春已去
贏得星星頭白醉裏狂歌花前起舞拚罰金盃百淋
漓宮錦忍辜妖艷姿色須信殿得春光祇愁花謝
又作經年別嫩紫嬌紅還解語應為主人留客月落
烏啼酒闌燭暗離緒傷吳越竹西歌吹不堪老去重
憶

送淮曹錢處和

曾德父

繡衣直指問凌風一笑翩然何許詔出層霄持漢節
千里秋風淮浦鑑遠江山竹西歌吹曾被腥膻汚須
君椽筆為渠一洗塵土 休厭共倒金荷翠眉重為
唱渭城朝雨看即揚鞭歸騎穩還指鬱葱深處寶帶
兼金華鞵新綉直上雲霄去回頭莫忘玉霄今夜風
露

梅花

朱希真

見梅驚笑問經年何處收香藏白似語如愁却問我
何苦紅塵久客觀裏栽桃仙家種杏到處成疎隔千
林無伴淡然獨傲霜雪 且與管領春回孤標爭肯

接雄蜂雌蝶豈是無情知受了多少淒涼風月寄驛
人遙和羨心在忍使芳塵歇東風寂寞可人誰為攀
折

邵公濟

天然瀟洒盡人間無物堪齊標格只與姮娥為伴侶
方顯一家顏色好是多情一年一度首作東君客竹
籬茅舍典刑別是清白 惆悵玉杵無憑藍橋人去
空鎖神仙宅今日天涯慙馬上忽見輕盈冰魄恰似
當年溫柔鄉裏曉看新粧額臨風三嗅挽條不忍空
摘

和東坡韻

茗溪漁隱

炎精中否歎人材委靡都無英物戎馬長驅三犯關
誰作長城堅壁萬里奔騰兩宮幽隔此恨何時雪草
廬三顧豈無高卧賢傑 天心眷我中興吾皇神武
踵曾孫周發海嶽封疆俱效順狂虜會須灰滅翠羽
南巡叩闕無路徒有衝冠髮孤忠耿耿劍芒冷浸秋
月

野史云有稱中興野人和東坡詞題吳江橋上車
駕巡師江表過而觀之語物色其人不復見矣

觀潮

陸永伸

遠山一帶遡晴空極目天涯浮白楓落鴉翻談笑處

不覺雲濤橫席酒病方蘇睡魔猶帶一掃無留蹟吳
帆越棹恍然飛上空碧 長記草賦梁園凌雲筆勢
倒三江秋色對此驚心空悵望老作紅塵閑客別浦
煙平小樓人散回首千波寂西風歸路為君重噴霜
笛 高祖見之嘉賞
召見辭不赴

中秋月

范元卿

尋常三五問今夕何夕嬋娟都勝天濶雲收巖浪靜
深碧琉璃千頃銀漢無聲水輪直上桂湿扶疎影綸
巾玉塵庾樓無限清興 誰念江海飄零不堪回首
鷓鴣南枝冷萬點蒼山何處是脩竹吾廬三徑香霧

雲鬟清輝玉臂醉了愁重醒參橫斗轉轆轤聲斷金井

次韻

姚孝寧

素娥睡起駕冰輪碾破一天秋綠醉倚高樓風露下
凜凜寒生肌粟橫管孤吹龍吟風勁雪浪翻銀屋壯
遊回首會稽何限脩竹今夜對月依然尊前須快
瀉山頭鳴瀑吸此清光傾肺腑洗我明珠千斛只恐
嬋娟明年依舊衰髮先成鵠舉杯相勸為予且掛團
玉

月

韓子蒼

海天向晚漸霞收餘綺波澄微綠木落山高真箇是
一雨秋容新沐喚起嫦娥撩雲撥霧駕此一輪玉桂
華疎淡廣寒誰伴幽獨不見弄玉吹簫尊前空對
此清光堪掬霧鬢風鬟何處問雲雨巫山六六珠斗
爛編銀河清淺影轉西樓曲此情誰會倚風三弄橫
竹

石孝友

悶紅頻翠惜流年忍對艷陽時節白玉樓成人去後
兩地音塵都絕鴛鑑分飛夢雲零亂慳意今衰颯墨
痕黯淡憶曾題遍紅葉須知後約難憑臂齒鬢剪

也只成虛設滿眼淒涼無限事付與丁香愁結欲語
情酸臨歧步懶悵望蘭舟發出門誰伴淚昏一片孤
月

丙午螺川

趙介之

飄流蹤跡趁春來還趁春光歸去九十韶華能幾許
着意留他不住趨春催花摧紅長春多少風和雨蜂
閑蝶怨盡憑枝上鶯語歸權去去難留桃花浪暖
綠漲迷津浦回首重城天樣遠人在重城深處惜別
愁分凝眸有淚揔寄陽關句不堪腸斷恨隨江水東
注

和李漢老

陸子逸

青藤續閩

黃橙紫蠟映金壺激灑新醅浮綠共賞西樓今夜月
極目雲無一粟揮塵高談倚欄長嘯下視鱗鱗屋轟
然何處瑞龍聲噴斬竹何況露白風清銀河澈漢
髣髴如懸瀑此景古今如有價豈惜明珠千斛灑氣
盈襟冷風入袖只欲騎鴻鵠廣寒宮殿看人顏似水
王

秋思

張仲宗

江天雨霽正露荷擎翠風槐搖綠試問秦樓今夜裏
秋到闌干幾曲笑撚黃花重題紅葉無柰歸期促暮

雲千里桂華初綻寒玉 有誰伴我淒涼除非分付
與杯中醞醑水本無情山又遠回首煙波雲木夢繞
西園魂飛南浦自古情難足舊道何處落霞空映孤
鷺

離思

張安國

星沙初下望重湖遠水長雲漠漠一葉扁舟誰念我
今日天涯飄泊平楚南來大江東去處處風波惡吳
中何地滿懷俱是離索 長記送我行時綠波亭上
泣透青羅薄檣燕低飛人去後依舊湘城簾幕不盡
山川無窮烟浪辜負秦樓約漁歌聲斷為君雙淚傾

落

楊廷秀

老夫歸去有三徑足可長拖衫袖一道官銜清徹骨
別有監臨主守主守清風監臨明月兼管栽花柳登
山臨水作詩三首兩首 休說白日昇天莫誇金印
斗大懸雙肘且說廬陵新盛事三箇閑人眉壽揀罷
軍負歸農押錄致政誠益叟只愁醉殺螺江門外私
酒

張功甫

東吳名勝有高楼直在浮雲齊處十二闌干邀遠望

歷歷斜陽烟樹香徑人稀
籬廊山遠往事今何許
一天和氣為誰吹散
疎雨知是蘭省星郎
朱輪森戟與風光為主
暇日登携多雅致容我
追隨臨賦小宴重開
晚寒初勁還下危梯
去燭華紅墜瑞堂猶
按歌舞

春恨

辛幼安

野棠花落又匆匆過了
清明時節剗地東風
欺客夢一枕銀屏寒怯
曲岸持觴垂楊立馬
此地曾經別樓空人去
舊遊飛燕能說聞道
綺陌東頭行人曾見
簾低纖纖月舊恨春江
流不盡新恨雲山千
疊料得

明朝尊前重見鏡裏花
難折也應驚問近來
多少華髮

戊午生日作

鄭中卿

嗟來咄去被天公把做
小兒調戲蹀雪龍庭
歸未久還促炎州行李
不半年間北胡南越一
萬三千里征衫着破着
衫人可知矣休問海角
天涯黃蕉丹荔自足供
甘旨泛綠依紅無箇事
時舞斑衣而已救蟻藤
橋養魚盆沼是亦經綸
耳伊周安在且須學老
萊子

中秋呈徐叔至

謝勉仲

霽天湛碧正新涼風露冰壺清徹河漢無聲光練練
湧出銀蟾孤絕岩桂香飄井梧影轉冷浸宮袍縈西
廂往事一簾輕夢悽切腸斷楚峽雲歸尊前無緒
知有愁如髮此夕常娥應也恨冷落瓊樓金闕禁漏
迢迢邊鴻杳杳幽意憑誰決闌干星斗落梅三弄初
闕

曉起觀落梅

李子大

麗譙吹角漸踈星明澹簾篩殘月嫋嫋霜飈欺翠袖
飛下一庭香雪半面粧新迴風舞困此况真竒絕枕
柳林裏蘇仙偏感華髮休怨時暫飄零正堂清夢

不惹閑蜂蝶好似王家叢竹畔乘興山陰時節剪水
無情閨風歸去忍使芳心歇和羨有待恁時身到天
闕

吳興荷花

姜堯章

開紅一舸記來時長與鴛鴦為侶三十六陂人未到
水佩風裳無數翠葉吹涼玉容銷酒更洒菰蒲雨嫋
然搖動冷香飛上詩句日暮青蓋亭亭情人不見
爭忍凌波去只恐舞衣寒易落愁入西風南浦高柳
垂陰老魚吹浪留我花間住田田多少幾回沙際歸
路

菊花

劉潛夫

老夫白首尚見嬉廢圃一番料理
飡飲落英并墜露
重把離騷拈起冷艷幽香輕黃
淡白占斷西風裏飛
來雙蝶遠叢欲去還止
嘗試銓次群芳梅花差可
伯仲之間耳佛說諸天金色界
未必莊嚴如此尚友
靈均定交元亮結好天隨子
籬邊坡下一杯聊泛霜
藥

茉莉

劉叔安

調冰弄雪想花神清夢徘徊南土
一夏天香收不起
付與藥仙無語秀入精神涼生肌
骨銷盡人間暑稼

軒愁絕惜花還勝兒女
長記歌酒闌珊開時向晚
笑浥金莖露月浸闌干天似水
誰伴秋娘窻戶困
雲鬟醉歎風帽總是牽情處
返魂何在玉川風味如
許

梅花

吳毅甫

曉來窓外正南枝初放兩花三
藥千古春風頭上立
羞退穠桃繁李姑射神遊壽陽
粧褪色界塵都洗竹
扉松戶平生所寄聊耳
堪笑強說和羨此君心事
指高山流水隴驛淒涼却怕被
哀角城頭吹起此處
閑情為它凝佇淡月清霜裏
巡簷何事歲寒相誓而

已

武夷詠梅

劉靜甫

武夷山志

亂山深處見寒梅一朶皎然如雪的
斜映小窓幽絕玉染香腮酥凝冷艷容態天然別故
人雖遠對花誰肯輕折疑是姑射神仙幔亭宴罷
迤邐停璫節愛此溪山供秀潤飽翫洞天風月萬石
叢中百花頭上誰與爭高繁麗桃俗李不須連夜催
發

送張明之赴京西幕

劉叔擬

餘艖東下望西江千里蒼茫烟水試問襄州何處是

雉堞連雲天際叔子殘碑卧龍陳迹遺恨斜陽裏後
來人物如君瓌偉能幾其肯為我來耶河陽下士
正自強人意勿謂時平無事也便以言兵為諱眼底
山河樓頭鼓角都是英雄淚功名機會要須閑暇先
備

二 感懷呈
洪守

吳山青處悵長安路斷黃塵如霧荆楚西來行壑遠
北過淮堧嚴扈九塞貔貅三關虎豹空作陪京固天
高難叫若為得訢忠語追念江左英雄中興事業
枉被姦臣誤不見翠華移蹕處枉負吾皇神武擊楫

憑誰問籌無計何日寬憂願倚筇長嘆滿懷清淚如
雨

三 長沙趙帥
席上作

西風何事為行人掃蕩煩襟如洗垂漲蒸瀾都卷盡
一片瀟湘清泚酒病驚秋詩愁入鬢對景人千里楚
宮故事一時分付流水江上買取扁舟排雲湧浪
直過金泥尾歸去江南丘壑處不用來尋月姊風露
盃深芙蓉裳冷笑傲烟霞裏草廬如舊卧龍知為誰
起

趙龍圖

吾今老矣好歸來了取青山活計甲子一周餘年紀
諧盡人間物理婚嫁隨緣田園粗給知足寧慚愧心
田安逸自然綽有餘地還是初度來臨葛巾野服
不減貂蟬貴門外煙波風浪惡我已收心無累弟勸
兄酌兒歌女舞樂得醺醺醉滿堂一笑大家百二十
歲

江潮

吳琚

玉虹遙挂望青山隱隱如一抹忽覺夫風吹海立好
似春霆初發白馬凌空瓊鼈駕水日夜朝天闕飛龍
舞鳳鬱葱環拱吳越此景天下應無東南形勝偉

觀真奇絕好是吳兒飛彩幟
蹙起一江秋雪黃屋天
臨水犀雲擁看擊中流楫
晚來波靜海門飛上明月

金陵

杜伯高

江山如此是天開萬古東南王氣一自髯孫橫短策
坐使英雄鵲起玉樹聲消金蓮影散多少傷心事干
年遼鶴併疑城郭非是當日萬駟雲屯潮生潮落
處石頭孤峙人笑褚淵今齒冷只有袁公不死斜日
荒烟神州何在欲墮新亭淚元龍老矣世間何限餘
子

菊

王雙溪

小粧朱檻護秋英千點金鈿如簇黃葉白蘋朝露冷
只有孤芳幽馥華髮蒼頭宦情羈思來伴花幽獨巡
簷無語清愁何啻千斛因念愛酒洲明東籬雅意
千載無人續身在花邊須一醉小覆玉中醪醪過了
重陽稔枝嗅藥休嘆年華速明年春到陳根更有新
綠

雪

文及翁

沒巴沒鼻霎時間做出漫天漫地不論高低弄小大
平白都教一例鼓弄滕六招邀巽二一恁施威勢識
他不破至今道是祥瑞最是鴉鴨池邊三更半夜

誤了吳元濟東郭先生都不管挨上門兒穩睡一夜
東風三竿紅日萬事隨流水東皇笑道山河元是我
的草木子云此訛賈似道之狹
量也錢塘遺事作陳藏一

金主亮

天丁震怒掀翻銀海散亂珠箔六出奇花飛滾滾平
填了山中丘壑皓虎顛狂素麟猖獗掣斷真珠索王
龍酣戰鱗甲滿天飄落 誰念萬里關山征夫僵立
縞帶沾旗脚色映戈矛光搖劍戟殺氣橫戎幕晚虎
英雄偏裨真勇非與談兵畧須拚一醉看取碧空

廓水滸傳
三卷

都城元夜

金劉雲震

景龍天氣正餘寒料峭簾幙萬斛金蓮光不夜香滿
雲間樓閣金鏗頻敲綉簾高揭應為黃昏約霜娥無
恙喚人依舊飄泊 却恨兔烏無情把人青鬢白恁
星星却千古繁華行樂地誰笑誰歌誰酌北山尊壘
東山絲竹夢裏揚州鶴客窓無味故人誰念蕭索

張孝純朝野
遺記

踈眉秀目依舊是宣和裝束飛步盈盈姿媚巧舉止
知非凡俗宋室宗姬秦王幼女曾嫁欽慈族干戈浩
蕩事隨天地翻覆 一笑邂逅相逢勸人滿飲旋旋

吹橫竹流落天涯俱是客何必平生相熟舊日榮華
如今憔悴付與盃中醪興亡休問為伊且盡船玉

和陳元載中秋小集

劉正

燕臺暮集對秋容
淒緊松陰幕幕徙倚欄邊臨翠壑
千頃風烟橫出坐待冰輪
天空雲散一色如蒼壁
姮娥有意為誰來赴今夕
身世如許飄流佳時輕過
了他年空憶我輩情鍾
端未媿昔日蘭亭陳迹
坐上何人驪歌淒斷語別
還應惜有心紅燭替人珠淚頻
滴

諸葛廟

姚卞

小舟橫檝看雲峯
高擁千重蒼碧白帝城中冠蓋換
田野猶談玄德三顧頻煩
兩朝開濟何處尋遺跡
江堆石陣至今神擁沙磧
追憶當年諸葛幅巾高卧
抱圖王竒策見說廟堂
今尚在中
有參天松栢據蜀
英豪吞吳遺恨俯仰成
今昔空令豪後浩歌揮涕橫
臆

驛中言別友人

文天祥

水天空濶恨東風
不借世間英物蜀鳥吳花殘照裏
忍見荒城頽壁銅雀春情
金人秋淚此恨憑誰說
堂堂劍氣斗牛空認竒傑
那信江海餘生南行萬里

扁舟齊發正為鷗盟留醉眼細看濤生雲滅睨柱吞
羸田旗走懿千古衝冠髮伴人無寐秦淮應是孤月

德祐乙亥

時事已非太學諸生為此詞以嘆世意各有所屬

太學生

半堤花雨對芳辰消遣無柰情緒春色尚堪猶畫在

萬紫千紅塵土

衆宮女行

鶻促歸期

朝士去

鶻收佞舌

臺官

燕作留人語

太學上書

遠闌紅藥韶華留此孤主

只陳五中在

真箇恨殺東風

賈似道

幾番過了不似今番苦樂事

賞心磨滅盡忽見飛書傳羽

北軍至

湖水湖煙峯南峯

北總是堪傷處新塘楊柳

賈妾名

小腰猶自歌舞

湖海新聞

春夢

梁隆吉

一場春夢待從頭說與傍人聽着罨畫溪山紅錦幃

舞燕歌鶯臺閣碧海傾春黃金買夜猶道看承薄雕

香剪玉今生今世盟約須信歡樂過情閑嗔冷妬

一陣東風惡韻白嬌紅消瘦盡江北江南零落骨朽

心存恩深緣淺忍把羅衣看蓬萊何處雲濤天際冥

漠

滕王閣

高信卿

閑登高閣嘆興亡滿目風煙塵土畫棟朱簾當日事

不見朝雲暮雨秋水長天落霞孤鶩千載名如故長

空淡淡去鴻嘹唳誰數遙憶才子當年如椽健筆

坐 upper 題佳句物換星移知幾度遺恨西山南浦往事
悠悠昔人安在何處尋歌舞長江東注為誰流盡今
古

武昌懷古

漢江北瀉下長淮洗盡胸中今古樓櫓橫波征鴈遠
誰見魚龍夜舞鸚鵡洲雲鳳凰池月付與沙頭鷺功
名何處年年惟見春絮非不豪似周瑜壯如黃祖
亦隨秋風度野草閑花無限數渺在西山南浦黃鶴
樓人赤烏年事江漢亭前路浮萍無據水天幾度朝
暮

淮甸春

寓念奴嬌游高沙訪淮海事迹

張輯

短髯懷古更文遊墓上秋生吟興聞說坡仙來把酒
月底頻留清影極目平蕪孤城四水画角西風勁曲
欄猶在十分心事誰領詞卷空落人間黃樓何處
回首愁深省斜照寒鴉知幾度夢想當年名勝只有
山川曾窺翰墨彷彿餘風韻舊遊休問柳花淮甸春冷

項羽廟

長語

鮑魚腥斷楚將軍鞭虎驅龍而起空費咸陽三月火
鑄就金刀神器垓下兵稀陰陵道狹月暗雲如壘楚
歌哄發山川都姓劉矣悲泣呼醒虞姬為伊死別

血刃飛花碎霸業休休雖不逝英氣烏江流水古廟
頽垣斜陽紅樹遺恨鴉聲裏興亡休問高陵秋草空
翠

過淮陰廟

薩天錫

短衣瘦馬望楚天空闊碧雲林杪野水孤城斜照裏
猶憶那回曾到古木啼鴉紙灰風起飛入淮陰廟
牛驪酒英雄千古誰吊何處漂母荒墳清明寒食
腸斷王孫草鳥盡弓藏成底事百計不如歸好半夜
鐘聲五更鷄唱南北行人老道傍楊柳青春又來
了

登石頭城

薩天錫

石頭城上望天低吳楚眼空無物指點六朝形勝地
惟有青山如壁蔽日旌旗連雲檣擄白骨紛如雪一
江南北消磨多少豪傑寂寞避暑離宮東風輦路
芳草年年發落日無人松逕裏鬼火高低明滅歌舞
尊前繁華鏡裏暗換青青髮傷心千古秦淮一片明
月

夏日避暑

僧仲殊

故園避暑愛繁陰翳日流霞供酌竹影篩金泉漱玉
紅暎薇花簾箔素質生風香肌無汗繡扇長閑却雙

鴛鴦栖處綠雲時下風籜
吹斷舞影歌聲陽臺人去
有當年池閣佩結蘭英
凝念久言語精神依約燕
別雕梁鴻歸紫塞音信憑
誰託爭知好景為君長是
蕭索

荷花

前人

水楓葉下乍湖光清淺涼
生商素西帝宸遊羅翠蓋
擁出三千宮女絳綵嬌春
鉛華掩畫占斷鴛鴦浦歌
聲搖曳浣沙人在何處
別岸孤棹一枝廣寒宮殿
冷落棲愁舌雪艷冰肌羞
淡泊偷把胭脂勻注媚臉
龍霞芳心泣露不肯為雲
雨金波影裏為誰長恁疑

佇

重陽

僧仲璋

消磨九日笑年年惟有黃
花白酒把酒簪花能有幾
七十光陰回首人恨難期
酒盃有限花色應如舊花
農酒釀問君着甚消受
彭澤千古英雄有花能折
有酒能傾否萬事悠悠輸
一醉花酒休教離手明月
西風闌珊酒盡憔悴花枝
瘦酒腸花眼盡直年少時
候

春情

李易安

蕭條庭院有斜風細雨重
門須閉籠柳嬌花寒食近

種種惱人天氣愴韻詩成扶頭酒醒別是閑滋味征
鴻過盡萬千心事難寄 樓上幾日春寒簾垂四面
玉欄干慵倚被冷香銷新夢覺不許愁人不起清露
晨流新桐初引多少遊春意日高烟歛更看今日晴
未

雪

朱淑真

鵝毛細剪縱輕拋密洒一時堆積斜倚東風渾漫漫
頃刻也須盈尺玉作樓臺鉛鎔天地不見遙岑碧佳
人作戲碎揉些子相擲 爭奈好景難留風儻雨憇
打碎光凝色縱有十分輕妙態誰似舊時憐惜擔閣

益 梁吟寂寞楚舞笑捩獅兒隻梅花依舊歲寒松竹三

醉江月

括東坡
赤壁賦

林正大

泛舟赤壁正風徐波靜舉尊屬客渺渺予懷天一望
萬頃憑虛獨立桂槳空明洞簫聲徹怨慕還悽惻星
稀月淡江山依舊陳迹 因念醜酒臨江賦詩橫槩
好在今安適謾寄蜉蝣天地爾瞬目盈虛消息江上
清風山間明月與子歡無極翻然一笑不知東方既
白

括後赤壁賦

前人

雪堂閑步過臨臯霜靜晚林木落月白風清如此夜
與客行歌相答網舉松鱸手携斗酒赤壁重尋約悲
歌長哨劃然聲動寥廓 試問日月幾何江流山色
今日應如昨履遍峴岩風露冷水涌怒濤驚躍一葉
中流聽其所止適有孤飛鶴橫江東下問予赤壁遊
樂

范成大

浮生有幾嘆歡娛常少憂愁相逐富貴功名皆由命
何必區區僕僕燕蝠塵中鷄虫影裏見了還追逐山
間林下幾人真箇幽獨 誰似當日嚴君故人龍衮

獨抱羊裘宿試把漁竿都棹了百種千般拘束兩岸
烟林半溪山影此處無榮辱荒臺遺像至今嗟咏不
足

賀揚誠齋

羅永年

卽星錦帳忽翩然歸訪南溪孤鷺前日登高誰信道
壽酒重浮茱萸風露盃寒芙蓉帳冷笑受長生籙廣
寒宮殿桂華應已新續 不用翠倚紅圍舞裙歌袖
共理稱觴曲只把文章千古事留伴平生幽獨但使
明年鬢青長在萱草春風綠諸卽如許轉頭百事都
足

沈剛孫

我來訪古把塵襟都付一聲鳴櫓笑把瑤觴波浩蕩
却憶長鯨吞吐坐挹高風骨清毛冷不作囂塵語客
星何在謾留遺像江渚試問澤畔羊裘當時何事
笑禹弁宮武金印貂蟬誰不愛只為汗顏巢許幸有
高臺較他箕穎未肯輕輸與酒酣長嘯翩然誰共飛
舉

大江西上曲

寄李實夫提刑

戴式之

大江西上鬱孤臺八境人間圖畫地湧千峯搖翠浪
雨派玉虹如瀉彈壓江山品題風月四海今王謝風

流人物如公一世雄也一片憂國丹心彈絲吹笛
未必能陶寫西北風塵方瀕洞宰相閑歸綠野月斧
爭鳴風斤運巧不用脩亭謝紫樞黃閣要公整頓天
下

壺中天

即念奴嬌

曾覲

素颺漾碧看天衢穩送一輪明月翠水瀛壺人不到
比似世間秋別玉手瑤笙一時同色小按霓裳疊天
津橋上有人偷記新闕當日誰幻銀橋阿瞞兒戲
一笑成痴絕肯信群仙高宴處移下水晶宮闕雲海
塵清山河影滿桂冷吹香雪何勞玉斧金甌千古無

缺

請太上太后遊聚景園

淳熙六年張掄

洞天深處賞嬌紅
輕玉高張雲幕國
艷天香相競秀
瓊花風光如昨露
洗妖妍風傳馥郁
雲雨巫山約春
先濃如酒五雲臺
榭樓閣聖代道洽
功成一塵不
動四境無鳴柝
屢有豐年天助順
基業增隆山岳兩
世明君千秋萬歲
永享昇平樂東堂
呈瑞更無一片
花落

無俗念

同念
奴嬌

丘長春

春遊浩蕩是年年
寒食梨花時節白
錦無紋香爛熳

玉樹瓊苞堆雪靜
夜沉沉浮光靄靄
冷浸溶溶月人
間天上爛銀霞照
通徹渾似姑射真
人天姿靈秀
意氣殊高縈萬化
參差誰信道不與
群芳同列浩氣
清英仙材卓犖下
土難分別瑤臺歸
去洞天方看清
絕

警悟

虞集

十年熄下見古今
成敗幾多豪傑誰
會誰能誰不濟
故紙數行明滅亂
葉西風遊絲春夢
轉轉無休歇為
它憔悴不知有甚
干涉寥寥無住閑
身盡虛空界
一片中宵月雲去
雲來無定相月亦
本無圓缺非色

非空非心非佛教我如何說不妨畦步蟾蜍飛上銀
闕

湘月

雙調即念奴嬌
之兩指聲也

姜堯章

五湖舊約問經年底事長負清景暝入西山漸喚我
一葉夷猶乘興倦網都收歸禽時度月上汀洲冷中
流容與画桡不點清鏡誰解喚起湘靈煙鬟霧鬢
理哀絃鴻陣玉塵談玄嘆坐客多少風流名勝暗柳
蕭蕭飛星冉冉夜久知秋信鱸魚應好舊家樂事誰
省

鳳簫吟

和彥時
兄重九

相山

雨溟濛年年今日農夫共卜期豐登高隨處好銀瓶
突兀南峙對三公真珠溥露菊更芙蓉照水勻紅但
華髮衰顏不堪頻鑑青銅相逢行藏休借問且徘徊
目送飛鴻十年湖海千里雲山幾番殘照淒風蟹
螯麓似臂金英碎琥珀濃香清細讀離騷為君一飲
千鍾

長壽仙

聖節

趙子昂

瑞日當天對絳闕蓬萊非霧非烟翠光覆禁苑正淑

景芳妍綵仗和風細轉御香飄滿黃金殿喜萬國會
朝千官拜舞億兆同歡 福祉如山如川應玉渚流
虹璇樞飛電八音奏舜韶慶王燭調元歲歲龍輿鳳
輦九重春醉蟠桃宴天下太平祝吾皇壽與天地齊
年

丹鳳吟

鳳

張翥

蓬萊花鳥記並宿苔枝雙雙嬌小海上仙姝喚起綠
衣歌笑芳叢有時遣探聽東風數聲啼曉月下人歸
淒涼夢醒悵別多歡少 念故巢猶在瘴雲杪甚閉
入雕籠庭院深悄信斷羈雌遠鎮怨情縈繞翠衿近

來漸短看梅花又還開了縱解收香寄與柰羅浮春
杳

燕歸慢

上巳雨

梁寅

花逕蕭條恰桃霞已盡梨雪初飄雲霾噴麗景風雨
妬佳朝山中行樂本寥寥那更值年荒酒價高諸生
共高詠只閑靜勝嬉遊 千嶂暝故人遠寧妨馬水
平橋象筵寶瑟何由見與誰共羽觴浮蘭亭遺跡長
蓬蒿怎能勾山陰棹小舟對景度新曲獨堪向故人
求

瑤臺聚八仙

張叔夏

楚竹間挑千日酒樂意稍稍漁樵那回輕散飛夢便
覺迢迢似隔夫容無路到如何共此可憐宵舊愁消
故人念我來問寂寥登臨試開笑口看垂垂短髮
破帽輕飄款語微吟清風頓掃花妖明朝柳岸醉醒
又知在烟波第幾橋懷人處任滿身風露蹋月吹簫

花草粹編卷之十終

